

Na osnovu Budžeta Federacije Bosne i Hercegovine ("Službene novine Federacije BiH", broj 7/25), a u vezi sa Programom utroška sredstava sa kriterijima raspodjele sredstava "Subvencije privatnim poduzećima i poduzetnicima-poticaji za veterinarstvo" utvrđenog Budžetom Federacije Bosne i Hercegovine za 2025. godinu ("Službene novine Federacije BiH", broj 40/25), federalni ministar poljoprivrede, vodoprivrede i šumarstva donosi

# PLAN SLUŽBENOG UZORKOVANJA

## U OBJEKTIMA ZA PROIZVODNJU I PROMET

### HRANE ŽIVOTINJSKOG PORIJEKLA ZA 2025.GODINU

U cilju ispunjavanja odredbi Pravilnika o službenim kontrolama koje se provode radi verifikacije postupanja u skladu sa odredbama propisa o hrani, hrani za životinje te propisa o zdravlju i dobrobiti životinja („Službeni glasnik BiH“ br. 5/13 i 62/17 ) donosi se Plan službenog uzorkovanja u objektima za proizvodnju i promet hrane životinjskog porijekla za 2025. godinu (u dalnjem tekstu: Plan). Ovim Planom se provjerava ispunjavanje ciljeva planova samokontrole uspostavljenih od strane subjekata u poslovanju s hranom (prema grupama djelatnosti) u svrhu osiguranja zaštite zdravlja potrošača i u odnosu na obavezne mikrobiološke i druge kriterije za hranu kao i vode i briseva radnih površina i opreme u objektima upisanim u propisane registre odobrenih i registrovanih objekata u Federaciji Bosne i Hercegovine.

Uzorci, na koje se ovaj Plan odnosi, trebaju se uzeti u svim fazama proizvodnje i prometa hrane životinjskog porijekla (hrana, voda i površine u proizvodnim i prodajnim prostorima), u objektima pod nadzorom veterinarske inspekcije, kako bi se provjerilo ispunjavanje kriterija u pogledu higijene procesa proizvodnje i prometa i kriterija u pogledu sigurnosti hrane životinjskog porijekla.

Službeno uzorkovanje kao metoda kontrolne aktivnosti (uzorkovanje i analiza) službene kontrole, prema ovom Planu, vrše kantonalni veterinarski inspektorji BEZ PREDHODNE NAJAVE ZA UZORKOVANJE, a preuzimanje uzoraka i laboratorijska ispitivanja provode veterinarske ustanove koje prema članu 79. Zakona o veterinarstvu („Službene novine Federacije BiH“ broj 46/00) provode veterinarsku djelatnost.

Kontonalni organi nadležni za poslove veterinarske inspekcije aktivnosti uzorkovanja i izvještavanja predviđenim ovim Planom će uvrstiti u vlastiti Plan službenih kontrola u objektima pod nadzorom veterinarske inspekcije za 2025.godinu.

Sredstva za provođenje ovog Plana obezbjeđena su u Budžetu Federacije Bosne i Hercegovine i namijenjena su za opremu i pribor za uzorkovanje, prijevoz uzoraka do

laboratorije i provođenje laboratorijskih analiza. Potreban pribor za uzimanje uzoraka i prijevoz uzorka do laboratorije obezbiđuje laboratorija.

Kantonalni veterinarski inspektori na svom epizootiološkom području određuju objekte u kojima će uzeti uzorak, dinamiku uzorkovanja i dogovaraju sa određenim laboratorijama vrijeme i mjesto preuzimanja tih uzoraka radi transporta do laboratorije.

U slučaju dobivanja neusklađenih rezultata, veterinarski inspektori će provesti inspekcijski nadzor u objektu u kojem je neusklađenost utvrđena, a ukoliko se pri tom utvrdi da je potrebno izvršiti dodatna ispitivanja ista će se obaviti na trošak subjekata u poslovanju sa hranom i o tome dostaviti poseban izvještaj Federalnom ministarstvu poljoprivrede, vodoprivrede i šumarsva i za objekte sa unutrašnjim područjem trgovanja nadležnom organu kantona koji je odobrio ili registrovao objekat u kome je ponovljeno uzorkovanje obavljen.

Za provođenje ovog Plana za laboratorije veterinarskih ustanova i kantonalne organe nadležne za veterinarsku inspekciju sačiniće se posebno upustvo sa podacima o vrsti i broju uzorka, traženim parametrima i broju i vrsti objekata u kojima treba obaviti uzorkovanje.

Uzorkovanje i laboratorijska ispitivanja predviđena ovim planom potrebno je provesti do 14.novembra 2025.godine .

Konačni izvještaj o provedenim laboratorijskim analizama i transportu uzorka, sa zahtjevom za isplatu sredstava i računom o izvršenim poslovima, laboratorije dostavljaju ovom ministarstvu najkasnije do 28.novembra 2025.godine.

Kantonalna veterinarska inspekcija, najkasnije do 28.novembra 2025.godine dostavlja pisani zbirni izvještaj o provedenom monitoringu: izvršenim uzorkovanjima sa prikazom svih rezultata provedenog monitoringa po ovom Planu na području kantona, sa podacima poduzetim mjerama u slučaju neusklađenih rezultata, a za svako uzorkovanje dostavlja u elektronskoj formi (USB stik/CD):

- popis objekata u kojima je uzorak uzet sa obaveznom naznakom veterinarskog kontrolnog broja ili evidencijskog broja (redni broj/godina :broj upisa u Registar odobrenih i registriranih objekata za područje Kantona) i

- zapisnik o uzorkovanju, popratni akt za slanje na analizu i jedan primjerak pojedinačnog laboratorijskog izvještaja za svaki analizirani uzorak.

Ovaj plan objaviće se na službenoj web stranici ovog Ministarstva.



#### DOSTAVLJENO:

1. Sektor za veterinarstvo
2. Sektor za financije i računovodstvo
3. Arhivi